

Inatsisartunut Naalackersuisunullu il.il. ilaasortat aningaasarsiaqartitaanerat il.il. pillugit Inatsisartut inatsisaata allanngortinneqarneranik Inatsisartut inatsisaat nr. 3, 3. juni 2015-imeersoq (Inatsisartunut ilaasortat il.il. sulinngiffeqarallarsinnaanerannut il.il. malittarisassanik Inatsisartut aalajangersaanerat)

§ 1

Inatsisartunut Naalackersuisunullu il.il. ilaasortat aningaasarsiaqartitaanerat il.il. pillugit Inatsisartut inatsisaanni nr. 22-mi 18. december 2003-meersumi, kingullermik inatsisartut inatsisaatigut nr. 2, 15. april 2011-meersukkut allanngortinneqartumi, makku allannguutigitinneqassapput:

1. § 2, imm. 2-5 ima oqaasertaqassapput:

” Imm. 2. Inatsisartunit sulinngiffeqarallartarnermut najuutinnikkallartarnermullu akuersisarnermut malittarisassanik Inatsisartut aalajangersaassapput.

Imm. 3. Aningaasarsiaqaataasumik sulinngiffeqarallarsinnaaneq aatsaat akuersissutigineqarsinnaavoq Inatsisartunut ilaasortaq pissutissaqavilluni najuussinnaanngippat imaluunniit malittarisassat imm. 2 malillugu aalajangersarneqartut tassungalu assersuunneqarsinnaasut malillugit.

Imm. 4. Inatsisartunut ilaasortaq pisuni immikkorluinnaq ittuni aningaasarsiaqaataanngitsumik sulinngiffeqarnissamut akuerineqarpat, ilaasortaq aningaasarsiaqartitaassanngilaq aningaasartuutinulluunniit tapiissutinik pisartagaqassanani, taamatullu aamma sulinngiffeqarallarnerup nalaani soraarnerussutisiassanut ilaasortaajunnaarneriutinulluunniit katersaqarsinnaanani.

Imm. 5. Inatsisartunut ilaasortaq Naalackersuisunut ilaasortatut atuuffeqarniarluni sulinngiffeqarallarnissamut akuerineqartoq, sulinngiffeqarallarnerup nalaani ilaasortaajunnaarneriutissanik katersaqarsinnaanngilaq.”

2. § 3-p kingornanut paragrafitut nutaatut ilanngunneqassaaq:

“ **3a.** Qanigisamik toqusoqartillugu pinartumilluunniit napparsimasoqartillugu malittarisassat Namminersorlutik Oqartussani tjenestemandinut qaqugukkulluunniit atuuttut malillugit akiliunneqarluni angalasoqarsinnaavoq.”

3. § 6 ima oqaasertaqassaaq:

” § 6. Inatsisartut siulittaasuat, Naalackersuisut siulittaasuat Naalackersuisunullu ilaasortat aningaasarsiat § 1, imm. 1-imi taaneqartut saniatigut akissaatit inissisimaffiat 38 malillugu aningaasarsianik tapisianik tamanut atuuttunik ilasanik ukiumut aningaasarsiaqartinneqassapput. Aningaasarsiat naatsorsorneqassapput tjenestemandit akissarsiaasa allallu iluarsivigineqartarnerat pillugu ASG-mut isumaqatigiissut qaqugukkulluunniit atuuttoq aallaavigalugu.

Imm. 2. Inatsisartut siulittaasuannut Naalackersuisullu siulittaasuannut kr. 120.930-nik immikkut tapisiaqartitsisoqassaaq.

Imm. 3. Naalackersuisunut ilaasortanut Inatsisartunut ilaasortaanningsunut Inatsisartunut ilaasortat

aningsarsiaasa § 1, imm. 1-imi taaneqartut annertoqataannik tapisiaqartitsisoqassaaq.

Imm. 4. Inatsisartut siulittaasuat, Naalakkersuisut siulittaasuat Naalakkersuisunullu ilaasortat qaammatip qinigaaffiup aallaqqaataanit qaammatip taamatut atuukkunnaarfiup naanissaata tungaanut aningsarsiaqartinneqassapput. Aningsarsiat qaammammut siumoortumik tunniunneqassapput.

Imm. 1 - 3-mi taaneqartut aningsarsiat tapisiallu iluarsiivigineqartarnerisa ASG-mi isumaqatigiinniuteqartarfimmi ineriartorneq malittaraat.

Imm. 5. Inatsisartut siulittaasuat Naalakkersuisullu siulittaasuat ineqartinneqassapput. Siulittaasut inigisap attartorneranut akiliisassanngillat, ukiumulli attartornerup kr. 48.000 kr-inik nalilerneqarnera tunngavigalugu akileraartinneqassallutik. Namminersorlutik Oqartussat inissianik ingerlatsinermut aningsarsartuutit akilertassavaat. Inissianut atatillugu ingerlatsinermut aningsarsartuutit isertitat akileraaruteqaataasussat naatsorsorneqarneranni ilaatinneqartassanngillat.

Imm. 6. Naalakkersuisunut ilaasortanut inissamik atugassiisoqassaaq. Ilaasortat Namminersorlutik Oqartussat atorfirmut atasumik pinngitsoorani inigisassatut inigittagaanni ineqarnermut akiliutinik naatsorsuisarnermi maleruagassat qaqugukkulluunniit atuuttut 60%-iinik ineqarnermut akiliuteqartassapput.

Imm. 7. Procentip imm. 6-imi taaneqartup aamma sulisorisanut inissiamut ineqarnermut akiliutip tamakkiisup assigiinngissutaat inuit pineqartut isertitaasa akileraaruteqaataasussat naatsorsorneqarneranni ilaatinneqassanngillat.

Imm. 8. Inigisat imm. 5 aamma 6 malillugit atugassiisutigineqartut atuuffiup naanerani qimanneqassapput. Inissiat pineqartut nutserfigineqarnerinut qimanneqarnerinillu atatillugu aningsarsartuutit Namminersorlutik Oqartussanit matussuserneqartassapput.

Imm. 9. Piffissami ilaasortaajunnaarneriuteqarfimmi utaqqiisaasumik ineqartitsisoqassaaq. Inissianut Namminersornerullutik Oqartussat attartortittagaannut ineqarnermut akiliutit naatsorsorneqartarnerinut maleruagassat qaqugukkulluunniit atuuttut naapertorlugit ineqarnermut akiliuteqartoqartassaaq. Piffissaq ilaasortaajunnaarneriuteqarfik naappat inigisaq qimanneqassaaq.

Imm. 10. Napparsimaneq aamma qanigisap toquneranut napparsimarulunneranulluunniit atatillugu najuutinnginneq Naalakkersuisut Siulittaasuannut Naalakkersuisunullu ilaasortanut pissutissaqavilluni peqataanninnertut isigineqassaaq. Najuutinnginnermi Namminersorlutik Oqartussani kommuninilu tjenestemandinut malittarisassassat qaqugukkulluunniit atuuttut malillugit akiliunneqarluni angalasoqarsinnaatitaavoq.

Imm. 11. Naartunermut, erninermut meeravissiarthaarnermullu atatillugu sulinngiffeqarneq Naalakkersuisut Siulittaasuannut Naalakkersuisunullu ilaasortanut pissutissaqavilluni peqataanninnertut najuutinnginnertut isigineqassaaq.”

§ 2

Inatsisartut inatsisaat una ulloq 1. juli 2015 atuutilerpoq.

Namminersorlutik Oqartussat, ulloq 3. juni 2015

Kim Kielsen